



Broj: 04/1-24- sl/17
Ilijaš, 17.03. 2017. godine

STRUČNA SLUŽBA OV- Ilijaš

PREDMET: Vijećnička pitanja i inicijative- dostavlja se -

Na 7. sjednici OV Ilijaš održanoj 30. 3. 2017. godine postavljena je slijedeća vijećnička inicijative:

1. BESIM GLJIVA- vijećnik Stranke za Srednje

Inicijativa: Uputiti zahtjev BH Telekomu da omogući prijem kablovske televizije "Moja TV" na širem području Donjih Ivančića, Gajeva i Dragorada kao i internetski signal. Prije šest godina BH Telekom je na ovom području izgradio tri antenska stuba: Gudelj, Lokva i Dragoradi, ali nikada nije obezbijedio navedene usluge. Građani su primorani da koriste usluge Total TV koji je znatno skuplji i nepovoljniji za građane. Iz navedenog razloga građani u sve većem broju isključuju i fiksne telefone BH Telekoma koji su instalirani putem satelita preko navedenih antenskih stubova.

Odgovor: Inicijativa proslijeđena BH Telekomu, po dobijanju odgovora ista će biti proslijeđena OV Ilijaš.

1. MUHAMED HANDŽIĆ – vijećnik BPS- Sefer Halilović

Pitanje: Kada će nadležna služba izaći na dionicu puta od Donje do Gornje Bioče gdje je rađen "kadrovski" vodovod za jednog čovjeka i gdje je uništeno 2,5 km puta? Na prošloj sjednici sam tražio da se izađe na lice mjesta i utvrdi u kakvom je stanju put, ali očito niko nije, jer ništa nije poduzeto. Da li treba da i ovaj put propadne i ostane kakav jeste, a biočani taj put čekaju 30 godina i nakon 30 godina nam je urađeno to što je urađeno, a onda dođe neko da ga devastira zato što ima aspiracija prema nekome. Ovaj vodovod zovem kadrovski zato što je urađen za jedno domaćinstvo ili za jednog poduzetnika i stavljen je takav profil cijevi gdje se sigurno nemože napajati i stanovništvo koje je bez vode u Donjoj Bioči.

Odgovor: U cilju sagledavanja stanja na licu mjesta, a po inicijativi-pitanju, Općinski načelnik je donio Rješenje kojim se formira komisiju u sastavu:

1. Brkić Elmin - predsjednik Savjeta MZ Luka
2. Fazlić Seid – uposlenik JKP "Vodostan" doo Ilijaš
3. Šabić Dervo – uposlenik općine Ilijaš

Zadatak komisije je da izvrši:

- da li su radovi na predmetnoj trasi uticali na stanje putne komunikacije i koji je nivo oštećenja iste
- dostavi Općinskom načelniku do 14. 04. 2017. godine Zapisnik sa terenskog obilaska sa prijedlogom mjera.

U prilogu Vam dostavljamo Zapisnik Komisije o izvršenom obilasku predmetne dionice kao



i odgovor JKP "Vodostan" doo Ilijaš o karakteristikama izgrađenog cjevovoda, mogućnostima daljeg proširenja i realizacije novih priključaka .

SAUDIN DURMIĆ- vijećnik SDA

Inicijativa: Molim nadležnu općinsku službu da putem JKP "Vodostan " izvrši uvid u vodovodnu mrežu u naselju Stari Ilijaš , tačnije od Stare Šepače do skretanja za Hadžiće. Pomenuti dio naselja ima problem sa pritiskom vode i isti su ovaj problem delegirali prema nadležnoj općinskoj službi . Obzirom da su radovi na rekonstrukciji lokalne ceste, bilo bi poželjno da se ovaj problem riješi prije polaganja asfaltnog sloja tj. izvrši pregled kanalizacione mreže i eventualno sanirati istu.

Odgovor:

Pitanje proslijeđeno JKP "Vodostan" doo Ilijaš. Odgovor u prilogu.

ARMIN MATORUGA - vijećnik SDA

Inicijativa:

1. Pokrećem inicijativu prema preduzeću JKP "Vodostan" o preispitivanju kvalitete vodosnabdijevanja , odnosno adekvatne jačine gradske vode u naseljima Vlaškovo i Gornja Karaula. Građani ovih naselja imaju pritužbe na kvalitet vodosnabdijevanja, a par domaćinstava u naselju Gornja Karaula su u potpunosti uskraćeni pristupom pitkoj gradskoj vodi.

Odgovor:

Pitanje proslijeđeno JKP "Vodostan" doo Ilijaš. Odgovor u prilogu.

HALID DIZDAREVIĆ - vijećnik SDA

Inicijativa: Pokrećem inicijativu prema JKP "Vodostan" da preispita kvalitet vodosnabdijevanja vodom, odnosno pritisak vode u naselju Karašnica. Naime, grupa građana se žali na loš pritisak prilikom kojeg ne mogu da rade kućanski aparati.

Odgovor:

Pitanje proslijeđeno JKP "Vodostan" doo Ilijaš. Odgovor u prilogu.

ALAN ŠERAK- vijećnik SDP- a:

4. Inicijativa: Pokrećem inicijativu da se izvrši postavljanje rasvjetnih tijela na lokalitetu Novo Naselje – Mrakovo, krak prema Savića Brdu.

Odgovor: Izgradnja rasvjete na predmetnoj dionici je definisana kroz Operativni plan Općinskog načelnika za 2017. godinu i realizovati će se u skladu sa dinamikom Plana izvođenja radova i raspoloživim sredstvima Budžeta Općine .

S poštovanjem!

Služba za privredu, finansije i investicije